

蓮華面經

書

下

百九十四  
悲七

48708



元祿九年丙子二月日重脩

皇圖聖圖 帝潛綴昌

佛日增輝 懋輪常轉

山城州天安寺法金剛院置

蓮華面經卷下七

隋三藏法師那連提黎耶舍譯

悲

今時世尊離菩提樹毗沙門王共百萬億夜叉  
之眾同時舉聲悲啼雨淚以手拭淚而說偈言  
如來容色甚微妙 超勝眾生無比者  
如是莊嚴殊特身 不久之間當滅度

今時帝釋天王復與百千億三十三天眾同  
時舉聲悲泣雨淚以手拭淚而說偈言  
如來面相正圓滿 形色殊勝於日月  
一切人天應供者 我等不復得瞻見

今時須跋摩天王與百萬億須焰摩天眾同  
時舉聲悲泣雨淚以手拭淚而說偈言



人中精進最雄猛

威力能破諸魔軍

甘蔗種中釋師子

今為無常所食噉

今時刪兜率陀天復與百萬億刪兜率陀天

眾同時舉聲悲泣兩淚以手拭淚而說偈言

見者無厭如藥王

出世猶如大明燈

如是智眼今滅度

世間當復皆闇冥

是時化樂天王復與百萬億化樂天眾同時

舉聲悲泣兩淚以手拭淚而說偈言

安步不動勝師子

面貌圓滿過月形

更不履行於此地

千輻相跡不復見

是時魔王他化自在天主心大歡喜安隱快

樂復與百萬億他化自在天眾疾至佛所合

掌向佛而說偈言

諸惡衆生已調伏

大鹿獮盡無有餘

何故猶住於世間

惟願如來速涅槃

是時大梵天王瞋彼魔王作如是言咄哉魔

王大惡衆生諸佛如來是最勝寶汝今去何

欲今世尊速入涅槃今時大梵天王復與百

萬億諸梵天衆同時舉聲悲泣雨淚以手扞

淚而說偈言

於此現在及未來

梵天世界餘天處

初未曾見如佛身

清淨滿足端嚴面

今時毗摩質多阿修羅王復與百萬億阿修

羅衆同時舉聲悲泣雨淚以手扞淚而說偈言

佛色功德無有量

無有能盡其邊際

利益修羅及餘趣

今若滅度世間空

是時娑伽羅龍王與百萬億諸龍衆等同時  
舉聲悲泣雨淚以手拭淚而說偈言

伊羅鉢象數滿千

不比如來一節力

如是大力雄猛者

今為無常所破壞

是時毗留勒叉天王與百萬億鳩槃荼衆同  
時舉聲悲泣雨淚以手拭淚而說偈言

南無大覺妙蓮華

從彼清淨戒池生

示現無常不久相

今當傾墜永寂滅

是時毗留博叉天王與百萬億諸龍衆等同  
時舉聲悲泣雨淚以手拭淚而說偈言

如來面形如滿月

光明照耀猶日輪

如是不久住於世

示為無常所吞食

是時毗沙門天王與百萬億夜叉眾同時舉

聲悲泣兩淚以手拭淚而說偈言

佛身金色最殊妙

三十二相自莊嚴

不久當為無常力

破壞清淨大牟尼

尔時提頭賴吒天王與百萬億龍眾同時舉

聲悲泣兩淚以手拭淚而說偈言

如來色身甚希有

於三界中無有比

如是不久當滅度

為彼無常之所縶

尔時大夜叉將名般脂迦與百萬億夜叉眾

等同時舉聲悲泣兩淚以手拭淚而說偈言

佛聲殊勝踰梵天

出過迦陵頻伽聲

如來不久當涅槃

不復更聞甘露法

尔時夜叉大將名般遮羅與百萬億夜叉衆

等同時舉聲悲泣雨淚以手拭淚而說偈言

世尊金色光明身

功德莊嚴滿月面

眉間白毫殊特相

我今最後歸命禮

尔時大夜叉將摩尼跋陀羅與百萬億夜叉

衆等同時舉聲悲泣雨淚以手拭淚而說偈言

三十有二上妙相

八十種好自莊嚴

當為無常金剛王

摧碎大聖牟尼尊

尔時大夜叉將富那跋陀與百萬億夜叉衆

等同時舉聲悲泣雨淚以手拭淚而說偈言



過去世中一切佛

及以未來諸世尊

大力釋種師子王

無常師子之所害

是時大夜叉將摩俟利地迦與百萬億夜叉

衆等同時舉聲悲泣雨淚以手投淚而說偈言

我今最後見牟尼

於是不復更奉覲

最後禮佛千輻輪

丘墟悉平脚足者

是時大夜叉將佉陀羅迦與百萬億夜叉衆

等同時舉聲悲泣雨淚以手投淚而說偈言

咄哉大惡無常相

破壞一切諸衆生

如是衆生無上寶

亦入寂滅不久住

是時大夜叉將名金毗羅與百萬億夜叉衆

等同時舉聲悲泣雨淚以手投淚而說偈言

我今歸依禮佛樹

生於持戒大地中

乃為無常之斧鉞

不久斫倒大牟尼

尔時大夜义將娑多姑利與百萬億夜义衆

悲泣雨淚以手拔淚而說偈言

眉間白毫相

照曜如月輪

目淨如青蓮

希有不復見

尔時地神天與百萬億夜义衆悲泣雨淚以

手拔淚而說偈言

我今禮雄猛

人中最殊勝

兩足中最上

南無大牟尼

尔時菩提樹天悲泣雨淚以手拔淚而說偈言

此處破魔王

及破魔眷屬

大牟尼不久

無常魔所滅

尔時祇林神悲泣雨淚以手扞淚而說偈言  
祇洹林當空 竹林亦如是 無常坑極深

如來入不現

尔時金剛密迹與百萬億夜叉衆悲泣雨淚  
以手扞淚而說偈言

如是最勝城

亦是大豐地

捨釋迦種姓

當向何方所

尔時藍毗尼林神悲泣雨淚以手扞淚而說  
偈言

淨飯國王先已滅

摩耶夫人亦滅度

如來今欲入涅槃

如是寂滅不可見

尔時迦毗羅城神疾至佛所悲泣雨淚宛轉  
在地作如是言如來涅槃何期太速世尊涅  
槃一何疾哉世間眼滅而說偈言

藍毗尼園佛生處

長大在於迦毗城

其光出過於千日

今最後見更不見

尔時菩提樹神與諸天阿修羅迦樓羅緊隄  
羅摩睺羅伽於虛空中出大音聲悲啼號哭  
而作是言佛是衆生最勝之寶不久當沒尔  
時世尊出于梵音而告諸天阿脩羅迦樓羅  
軋闍婆摩睺羅伽衆言汝等莫啼莫作異語  
莫生憂惱以手推曾令心迷悶何有世間而  
受生者因緣和合有為之法而得久住若欲

強令無常之法不滅壞者無有是處。爾時世尊示教利喜諸天阿修羅迦樓羅軋闍婆摩睺羅伽等生歡喜。已是時諸天乃至摩睺羅伽等右繞世尊還向本處。佛告阿難我昔於彼阿波羅龍王處記剎賓國我涅槃後其國熾盛安隱豐樂如鬱怛羅越佛法熾盛多有羅漢而往彼國亦有無量如來弟子。此闍浮提所有羅漢皆往彼國猶如兜率天。處如來所有名身句身謂

修多羅

祇夜

鞞迦曷羅那

伽他

優陀那

尼陀那

阿波陀那

伊帝鼻利

多劍

伽闍多迦裴富略

阿浮陀達摩

優波提舍

彼諸羅漢結集如來十二部經廣造諸論彼  
剎賓國猶如帝釋歡喜之園亦如阿耨清涼  
之池復有頗羅墮逝賓頭樓等皆樂住彼剎  
賓國土不退佛乘阿羅漢等亦住彼國復有  
因陀羅摩那阿羅漢白項阿羅漢等復於如  
來所說法藏有漏無漏之法皆悉撰集廣行  
流布阿難我涅槃已最後法身彼等建立於  
未來世復有金毗羅等五諸天子生剎賓國  
廣令我法流布於世大設供養我諸弟子於  
閻浮提初未曾有如是大會佛告阿難於未  
來世剎賓國土當作如是大法之會阿難彼

五天子滅度之後有富蘭那外道弟子名蓮  
華面聰明智慧善解天文二十八宿五星諸  
度身如金色此大癡人已曾供養四阿羅漢  
當供養時作如是誓願我未來破壞佛法以  
其供養阿羅漢故世世受於端正之身於最  
後身生國王家身為國王名寐吱曷羅俱邏  
而滅我法此大癡人破碎我鉢旣破鉢已生  
於阿鼻大地獄中此大癡人命終之後有七  
天子次第捨身生剎賓國復更建立如來正  
法大設供養阿難以破盜故我諸弟子漸汗  
淨戒盜初破時諸比丘等雖汗清淫戒智如  
牛王能破外道經第二時此閻浮提諸比丘

等破清淨戒樂作不善身行偷盜耕田墾植  
多貪貯畜好衣好盃不樂讀誦修多羅毗尼  
阿毗曇如是阿難樂讀樂誦智慧之人悉皆  
滅度是時多有諸比丘等諂曲嫉妬多起非  
法以諸比丘不如法故諸國王等不依王法  
以王不如王法治故其國人民多行增上十  
不善業以惡業故此地多生荆棘毒草土沙  
礫石阿難當於今時此閻浮提五種精味失  
力失味所謂蘇油鹽石蜜蜜如是五種失力  
味故今時衆生復更多行增上惡業以其多  
行惡不善故佛破碎盃當至北方今時北方  
諸衆生等見佛破盃大設供養以種種華燒



香塗香燈明華鬘種種音樂供養此盃有發  
阿耨多羅三藐三菩提心者有發聲聞心者  
有發辟支佛心者彼破碎盃當向波羅盃多  
國彼國人民見佛碎盃以種種華燒香末香  
塗香燈明華鬘種種音樂供養此盃有發阿  
耨多羅三藐三菩提心者有發聲聞心者有  
發辟支佛心者阿難此佛碎盃以佛力故亦  
是衆生善根感故我此碎盃自然還復如本  
不異於後不久我盃即於閻浮提現於娑  
伽龍王宮中當沒之時此閻浮提七日七夜  
皆大黑闇日月威光悉不復現地大震動惡  
雷掣電於虛空中而出惡聲黑風卒起極大

怖畏天人阿修羅迦樓羅軋闍婆摩睺羅伽  
等皆大號哭淚下如雨如是阿難此盜當尔  
初没之時如來法律亦没不現尔時魔王見  
法律滅心大歡喜心大安隱於虛空中作如  
是言瞿曇法滅我當教化諸衆生等自作諸  
惡亦教化作以魔教故城邑聚落遮相殺害  
尔時魔王以教衆生廣作惡故生身陷入阿  
鼻地獄尔時娑伽羅龍王見佛益已以種種  
寶因陀尼羅寶摩訶尼羅寶火珠寶清水寶  
如是大寶大設供養至于七日礼拜右繞是  
諸龍等有發無上菩提心者有發聲聞心者  
有發辟支佛心者尔時娑伽羅龍王以手捧

盃而說偈言

諸相莊嚴手

受種種味食

盛置於此盃

如是持用食

佛告阿難如是我盃於娑伽羅龍王宮設於  
四天王宮出尔時四天王毗留勒义毗留博  
义毗沙門提頭賴吒七日七夜大設供養以  
種種華種種華鬘種種塗香種種燒香種種  
燈明種種音樂供養禮拜已時諸天衆有發  
無上菩提心者有發聲聞心者有發辟支佛心  
者尔時毗留勒鳩槃荼王以手捧盃而說偈言  
如來最後食 在於鐵師家 盃爲化衆生  
而來於此處

佛告阿難如是。我盜過七日。已於四天空殿  
三十三天宮出。爾時佛母摩耶夫人見佛盜  
已憂愁苦惱。如箭入心。難可堪忍。宛轉于地。  
猶如圓木。作如是言。如來涅槃。一何疾哉。修  
伽陀滅。何其太速。世間眼滅。佛樹傾倒。佛須  
彌山崩。佛燈亦滅。法泉枯竭。無常魔日。萎佛

蓮華。爾時佛母摩耶夫人以手捧盜。告於一  
切諸天。阿修羅迦樓羅。乾闥婆緊那羅。摩睺  
羅伽等。言諸天諦聽。此是釋迦如來。常受用  
盜。第一勇猛。面貌圓滿。過日月者。影現此盜。  
復次諸天。如是之盜。復於王舍大城之中。受  
於尸利掘多。毒食諸天。諦聽釋迦牟尼大雄。

猛者滿腹城內修摩伽陀家用此盃食諸天  
諦聽如來爲化憂樓毗羸迦葉及大毒龍以  
彼惡龍內此盃中諸天諦聽以業緣故於裴  
連多國四月之中復以此盃受馬麥食天衆  
諦聽釋迦如來以大悲故復以此盃受於最  
下極貧者食諸天諦聽釋迦如來復以此盃  
於娑伽羅龍王宮內受種種食諸天諦聽釋  
迦如來於夏四月復以此盃受我等食諸天  
諦聽釋迦如來復以此盃覆於訶利鬼母最  
小之子名必利鹽迦羅夜叉以其惡心常食  
人血故調伏之于時佛母摩耶夫人以手捧  
盃而說偈言

隨佛心欲受 皆入於益中 佛於我腹內  
滿足於十月

尔時帝釋天王七日七夜以種種天華天香  
天栴檀香大設供養禮拜右繞作是供已時  
諸天衆有發無上菩提心者有發聲聞心者有  
發辟支佛心者尔時天王以手捧盃而說偈言  
今此殊勝盃 能長衆生智 佛身亦如是  
成就諸功德

佛告阿難如是我盃過七日已於三十三天  
中沒燄摩天中出尔時燄摩天主見佛盃已  
七日七夜種種供養以天曼陀華天栴檀香  
種種華種種音樂供養佛盃禮拜右繞是時

諸天有發無上菩提心者有發聲聞心者有發辟支佛心者  
爾時皞摩天主以手捧盃而說偈言

千萬億衆生

見盃皆歡喜

能生勝妙果

牟尼使來此

佛告阿難如是我盃過七日已於皞摩天沒  
兜率陀天出爾時兜率陀天王見佛盃已七  
日七夜以天曼陀華摩訶曼陀華及餘種種  
妙華種種香種種音樂大設供養禮拜右繞  
以手捧盃而說偈言

上中下衆生

佛起慈悲心

此盃受食已

佛使至於此

佛告阿難如是。我盃過七日已。於兜率天。設  
化樂天。出忉時。化樂天王見佛盃已。七日七  
夜。以種種天華。種種天香。種種天音樂。大設  
供養。禮拜。右繞。是時天衆有發無上大菩提  
心者。有發聲聞心者。有發辟支佛心者。忉時  
天王以手捧盃。而說偈言。

希有大導師  
使盃來於此

悲愍於衆生

爲利衆生故

佛告阿難。時諸天阿脩羅。迦樓羅。乾闥婆。緊  
陀羅。摩睺羅伽。以天曼陀華。摩訶曼陀華。及  
餘種種華。種種香。天栴檀香。末香。供養盃已。  
即以此盃。送至娑伽羅龍王宮中。佛言。阿難。



此閻浮提及餘十方所有佛蓋及佛舍利皆  
在娑伽羅龍王宮中佛告阿難如是我蓋及  
我舍利於未來世於此地沒直過八萬由旬  
住金剛際阿難我今語汝未來之世諸衆生  
等壽命八萬四千歲時彌勒如來應供正遍  
知三十二相八十種好身紫金色圓光一尋  
其聲猶如大梵天鼓迦陵伽音尔時我蓋及  
我舍利從金剛際出至閻浮提彌勒佛所蓋  
及舍利住虛空中放五色光所謂青黃赤白  
頗梨雜色如是阿難彼五色光復至其餘一  
切天處到彼天已於其光中出聲說偈言  
一切行無常 一切法無我 及寂滅涅槃

此三是法印

其光復至一切地獄而說偈言

一切行無常 一切法無我 及寂滅涅槃

此三是法印

佛告阿難佛蓋舍利所放光明復更至於十方世界於其光中而說偈言

一切行無常 一切法無我 及寂滅涅槃

此三是法印

佛告阿難如是我蓋及我舍利所放光明十方世界作佛事已還至本處在於舍利佛蓋之上於虛空中成大光明雲蓋而住阿難舍利及蓋現大希有如是等事現此神通希有

事時八十百億衆生得阿羅漢果千億衆生  
剃髮出家信心清淨一萬衆生發阿耨多羅  
三藐三菩提心皆不退轉阿難此盜舍利廣  
行教化諸衆生已於彌勒前虛空中住今時  
彌勒佛以手捧盜及佛舍利告諸天人阿修  
羅迦樓羅軋闍婆緊那羅摩睺羅伽言汝等  
當知此盜舍利乃是釋迦牟尼如來雄猛大  
士信戒多聞精進定智之所熏修汝等當知  
釋迦牟尼雄猛大士能令無量百千那由他  
億諸衆生等住涅槃城出過優曇鉢華百千  
億倍盜及舍利故來至此今時彌勒三藐三  
佛陀爲我此盜及我舍利起四寶塔以舍利

盜置此塔中。今時彌勒佛及諸天人阿修羅  
迦樓羅。乾闥婆。緊那羅。摩睺羅伽等。大設供  
養恭敬。禮拜盜舍利塔佛。告阿難。如來應供  
正遍知。舍利及盜有大威德。阿難。汝以給侍  
如來生身所生功德無量無邊不可思議。阿  
僧。祇今時佛為阿難說未來事。已復告阿難。  
吾當與汝往諸國土。如來不久却後七日。當  
入涅槃。阿難白佛言。唯然受教。今時佛與阿  
難次第至諸國土。城邑度脫無量百千萬億。  
那由他諸衆生。已往鐵師子純陀之家。此是  
如來最後食處。今時世尊受其食已。而說偈言。  
我今最後食。在於純陀家。如是五衆身。

不久當滅度

尔時佛與阿難至拘尸那城種種方便教化  
拘尸那力士已從拘尸那城出至憂波跋多  
那娑羅雙樹間尔時世尊北首而卧時須跋  
陀羅來至佛所頂礼如來向佛而坐佛為說  
法得阿羅漢果

蓮華面經卷下

悲

輻

福音 吐

丁丁骨

反反 又

胃

俱犬

摧碎

上

自

摩俟

下

史

丘墟

下起

佉陁

上

丘

斧鉞

二音

姑利

上

其

剎賓

上

寐吱

上

密二

下元

音

益

字

墾植

時

音 懇

下

荆棘

上

力音京

下礫石

上

音

掣

尺

列

菱

反鳥

為

掘多

勿

反求

毗

贏

字

同螺



